

berrima; venis et costa subtus minutissime puberulis, axillis ejusdem barbatulis; petiolo 15 mm. longo, superne villoso. OCHREARUM vestigia tantum in specimine suppetunt. RACEMI solitarii ramulis brevibus patentibus subdistichis continui, foliis dimidio circiter breviores, axi ferrugineo-tomentoso; bracteis ovatis villosis. FLORES..... FRUCTUS pisiformes, perianthii lobis conniventibus coronati, in pedicellis recurvis 2-3 mm. longis.

Crescit juxta Cuyaba urbem in provincia Matto-Grosso Brasiliæ. — V. S. (Martius, *Herb. Flor. Bras.*, n° 1241).

### 23. COCCOLOBA ALAGOENSIS †.

FRUTEX? ramulis striatis, glabris, pallide cinereis. FOLIA oblonga, 4-8 cm. longa, 3-4 lata, obtusa, basi breviter attenuata, submembranacea, in axillis venarum subtus barbatula, ceterum glaberrima, venis primariis sat exilibus. OCHREÆ laxiusculæ, petiolo breviores, vix oblique truncatæ, juxta petiolum ad basin usque fissæ. RACEMI solitarii, terminales, pedunculati, foliis longiores, graciles; rachi striata glabra; bracteis 3-4 floris. FLORES breviter pedicellati; perianthii tubo brevissimo, lobis late ovatis, patentibus; staminibus exsertis. FRUCTUS....

Crescit in provincia Alagoas Brasiliæ septentrionalis. — V. S. (Gardner, *pl. exs.*, n° 1389).

### 24. COCCOLOBA GOUDOTIANA †.

FRUTEX? ramulis erectiusculis, cortice albicante rugoso-striato vestitis. FOLIA ovato-oblonga, 9-11 cm. longa, 4 ½-7 cm. lata, breviter acuminata, basi rotundato-subpeltata, rigidula, supra glaberrima, subtus juxta costæ basim minute villosa; venatione æquali. OCHREÆ internodiis multum breviores, ramulos arcte vaginantes, subhorizontaliter truncatæ, diu persistentes. RACEMI solitarii, elongati, ramulis continui, foliis multo longiores, graciles, densiflori, versus apicem attenuati; rachi angulata, subglandulosa; bracteis subrotundis, subbifloris. FLORES subsessiles. PERIANTHII tubus ochreola fissa involutus, demum pedicelli elongatione exsbertus; lobi rotundati subconniventes; antheris tubo latentibus; stigmatibus subexsertis. FRUCTUS immaturus oblongus, breviter pedicellatus: pedicello ochreola persistente basi involucrato.

Habitat republica Nov. Granatensi juxta San-Luis. Maio floret. — V. S., Herb. Mus. Par. (Goudot).

### 25. COCCOLOBA STICTICAULIS †.

FRUTEX scandens, ramis elongatis valde flexuosis subvolubilibus cylindraceis; cortice lenticellis numerosissimis albicantibus notato, exsiccato